

## Søknad

<b>Søknadsnr.</b>	2016-0009	<b>Søknadsår</b>	2016	<b>Arkivsak</b>
<b>Støtteordning</b>	Tilskot til nærings- og samfunnsutvikling 2016			
<b>Prosjektnavn</b>	Vandring og verdiskaping i Verdsarvparken.			

### Kort beskrivelse

Verdsarvparken skal i lag med friviljuge lag og organisasjonar (turlaga), repr. for grunneigarar og næringsverksemdar, verneområdeforvaltning, reisemålsselskapet Visit Sogenbfjord og nyoppretta arbeids- og styringsgruppe for Aurlandsdalen gjennomføre eit 3-årig prosjekt med mål om auka vandring og verdiskaping i Verdsarvparken generelt og i Aurlandsdalen spesielt.

Merk at Verdsarvparken søker om tilsaman kr 450 000,- fordelt på 3 år.

### Prosjektbeskrivelse

Nærare omtale av Verdsarvparken og Verdsarvparken sine langsiktige målsetjingar og satsingar går fram av nettsida vår eller vedlegg til denne søknaden.

Dette delprosjektet har som siktemål å:

1. Fremje/ planlegge/organisere og sikre gjennomføring av koordinerte/ prioriterte tiltak og aktivitetar knytt til vedlikehald/ istandsetjing/ rydding og skilting (pilskilt/ infotavler) av turvegar og etablering av dørheller (infallsportar) i Verdsarvparken generelt og Aurlandsdalen spesielt.
2. Vere pådrivar og støtte for auka marknadsføring, utvikling/bruk og verdiskaping knytt til vandring.
3. Ta hand om/ koordinere akutte tiltak i Aurlandsdalen knytt til ras/ steinsprang.
4. Ivareta sekretær-/ koordinatorfunksjonen for arbeids- og styringsgruppa for Aurlandsdalen samt sikre samhandling mellom lag/ organisasjonar, reiselivsverksemdar og reisemålsselskap i Parkregionen.

Prosjektet vil ha som mål, utover satsinga i Aurlandsdalen, å utbetre/ tilrettelegge/ foredle og tydeleg marknadsføre min. 3 lengre turvegar i kvar av Parkkommunane. Kjelda for prioritering vil vere turboka "Opptur Nærøyfjorden".

## Kontaktopplysninger

Funksjon	Navn	Adresse/poststed	Mobil
<b>Søker / Prosjekteier</b>	Nærøyfjorden Verdsarvpark Org.nr:992413999	Heradshuset Helabrotet 2A 5745 AURLAND	95172595
<b>Kontakt- person</b>	Dagleg leiar Erling Oppheim	Heradshuset Helabrotet 2A 5745 AURLAND	95172595
<b>Prosjekt- leder</b>	Prosjektleder tilsett i Verdsarvparken	Heradshuset Helabrotet 2A 5745 AURLAND	-

### Mottatt offentlig støtte tidligere: Ja

1. Tilskot over VSP''''n for lokale og regionale Parkar.
2. Infrastrukturmidlar reiseliv (Brekkestien i Flåm)
3. Tilskot til verdiskaping basert på naturarven. ( Miljødirektoratet)
4. Tilskot til gjennomføring av landskapskartlegging - og analyse i Vestnorsk fjordlandskap.

## Spesifikasjon

### Bakgrunn

Nærøyfjorden Verdsarvpark ([www.naroyfjorden.no](http://www.naroyfjorden.no)) er etablert som verdsarvkommunane Aurland, Vik, Voss og Lærdal samt og Sogn og Fjordane fylkeskommune sitt verktøy for ei natur- og kulturbasert nærings- og samfunnsutvikling i samsvar med verdsarvkalitetane og – status. Nærare omtale av Verdsarvparken og Parken sine langsiktige satsingar går fram av Parkplan og revidert infobrosjyre. Nyleg godkjent handlingsplan synleggjer kva tiltak/ prosjekt/ aktivitetar som er prioritert for gjennomføring i 2016. Desse dokumenta ligg ved denne søknaden.

Aurlandsdalen er virkelig ein av juvelane i regionen som no mange meiner har hamna litt i skuggen av eit for einsidig fokus på cruise-/ gjennomfartsturismen. Fleire aktørar lokalt har over tid fremja ynskje om ei tyngre og meir målretta/ heilskepleg satsing på verdiskaping med bakgrunn i kvalitetane til og potensiale i og kring dalen.

Hausten 2013 vart det difor sett i gang ein prosess leia av eit eige interimstyre med repr. for ECO Energi, Aurland kommune, venner av Aurlandsdalen samt repr. for ulike verksemdar som hadde til føremål å sjå på både ny organisering av og innhald i ei meir operativ og samla satsing på Aurlandsdalen. Interimstyret drøfta undervegs m.a. oppretting av ei eiga stifting .

Initiativet knytt til auka innsats i Aurlandsdalen er samanfallande med Verdsarvparken sitt føremål/oppdrag og den pågåande satsinga/ arbeidet knytt til utbetring, tilrettelegging, skilting, merking av turstiar og vandringsvegar. Etter innspel frå Verdsarvparken om å nytte etablerte organisasjonar framfor å opprette fleire med parallelle føremål, landa interimstyret for "Nye Aurlandsdalen" til slutt på at ei felles satsing med fotfeste i Parken ville vere mest tenleg med omsyn til både ressursar og kompetanse.

Med dette som grunnlag vert det no rigga eit 3-årig prosjekt som skal auka samhandlinga, aktiviteten og verdiskapinga knytt til vandring i Verdsarvparken.

Med Verdsarvparken som organisatorisk plattform er det ei klar målsetjing at prosjektet "Nye Aurlandsdalen" skal etablerast som ei eiga delsatsing under hovudsatsingsområdet "Skepe næring og kultur" med tilhøyrande eiga arbeidsgruppe/ styringsgruppe.

Prosjektet vert leia av ein eigen ressursperson/ ranger tilsett i Parken som ma. vil hjelpe fram/ støtte, koordinere og sikre gjennomføring av prioriterte tiltak. Rangeren vil vere prosjektet sin kontakt mot reiselivsverksemder/ reisemålsselskap.

### **Prosjekt mål**

1. Betre koordinering/ prioritering av innsats/ tiltak og bruk av ressursar.
2. Auka synlegjering og marknadsføring av eit sett med utbetra / kvalitetessikra turveggar/ vandrerruter.

Det vert lagt ned ein stor innsats/ myke godt arbeid frå mange lag og organisasjonar/ enkeltpersonar. Gjennom betre koordinering og samhandling mellom aktørane er det eit mål om at den enkeltvise innsatsen vert skrudd saman til meir heilskapelege vandreprodukt i Verdsarvparken - både som grunnlag for flotte opplevingar for gjester og busette og verdiskaping for lokale reiselivsverksemder.

### **Forankring**

Vi syner til fylgjande :

1. Verdiskapingsplanen for Sogn og Fjordane 2014-2025:  
<http://verdiskapingsplanen.no/handlingsplan/8-reiseliv/8-3-hovudaktivitet-med-milepaelar/>
2. Reiselivsplan Sogn og Fjordane 2010-2025, pkt. 5.2.
3. Parkplanen for Nærøyfjorden Verdsarvpark.

(Styringsdokumentet Parkplanen som dette prosjektet spring ut av er vedteke av parkstyret)

4. Aurland kommune sin kommunedelplan for næring (K-sak 045/14) , Handlingsprogram for 2014-2017.

### **Prosjektorganisering**

Prosjekteigar vil vere Nærøyfjorden Verdsarvpark ved daglege leiar.

Prosjektleiing vert ivareteken av ein eigen personressurs / ranger tilsett i Verdsarvparken.

Det vert vidare etablert ei eiga arbeids- og styringsgruppe for Aurlandsdalen med fylgjande samansetnad:

- 1 medlem repr. Vener av Aurlandsdalen
- 1 medlem repr. verksemder / næringsaktørar knytt til dalen.
- 1 medlem repr. grunneigarar

- 1 medlem repr. Visit Sognerfjord

Gruppa vil ha fylgjande føremål:

- Ivareta og sikre eit breitt engasjement kring ivaretaking og utvikling av verdiane og aktivitetane i dalen.
- Ansvarleggjere og sikre eigarskap til gjennomføring av prioriterte tiltak og aktivitetar.
- Motivere og inspirere til innsats og deltaking.

Styringsgruppa sitt mandat vil vere å fremje samt ta stilling til kva for tiltak og aktivitetar som vert prioritert for gjennomføring. Tiltaksplanen vert og grunnlag for søknader om finansiering.

Elles i Parkregionen vil prosjektleiaren/ranger ivareta/ sikre samhandling og koordinering av tiltak/ gjennomføring i nært samarbeid med turlaga, grende- og bygdelaga og Visit Sognefjord AS.

### **Samarbeidspartnere**

1. Grunneigarar
2. Friviljuge lag- og organisasjonar ( Bygde- og grendalag, Venner av Aurlandsdalen)
3. Turlaga i verdsarvkommunane.
4. Visit Sognefjord.
5. Verneområdeforvaltning
6. Lokale næringsverksemdar/ parkpartnarar.
7. ECO Energi AS (Aurlandsdalen)
8. DNT.

### **Aktiviteter**

Årleg arbeidsplan

- November – medio mars: Møte med styringsgrupper/ arbeidsgrupper/ turlag, planlegging/ organisering av neste feltsesong, evaluering/ rapportering/ søknader om finansiering, tinging av materiell mv.
- Medio mars/ april – oktober: Feltarbeid, gjennomføring av tiltak og aktivitetar i samarbeid med lag/ organisasjonar og friviljuge krefter. (Tidlig vår vil feltarbeidet føregå i låglandet i heile Parkregionen)

### **Målgrupper**

Gjester til og busette i Parkregionen.

### **Resultat**

1. Godt tilrettelagt og skilta turevegar, betre og tryggare tilkomst for turgåarar.
2. Redusert negative effekt på landskap/ beite/ beitande dyr som fylgje av ferdslar/ vandring.

3. Medverka til ei kvalitativ god turoppleving/ god besøksforvaltning.

4. Styrke driftsgrunnlaget for lokale reiselivsverksemdar.

#### Effekter

1. Auka tilbod av godt tilrettelagde tur- og vandringsvegar - auka fordeling/ spreining av gjester.

2. Grunnlag for auka tilbod av natur- og kulturbaserte opplevingsprodukt-/ aktivitetar.

3. Auka marknadsføring/ synleggjering.

2. Betre oppleving for turgåarane/ vandrarene - legge til rette for bruk av meir tid i Verdsarvparken.

### Tids- og kostnadsplan

#### Tidsplan

Sjå oppl. om arbeidsplan/ årshjul under pkt. om aktivitetar.

#### Kostnadsplan

Tittel	2016	2017	2018	2019	2020	SUM
Prosjektleiing - koordinering/ gjennomf.	400 000	500 000	500 000			1 400 000
Utb./ istandsetj. vegar og bruer, rydding/skjøts.	150 000	100 000	150 000			400 000
Utv/ oppsett av skilt/ infotavler, etab. info.pkt.	150 000	150 000	150 000			450 000
<b>Sum kostnad</b>	<b>700 000</b>	<b>750 000</b>	<b>800 000</b>			<b>2 250 000</b>

#### Finansieringsplan

Tittel	2016	2017	2018	2019	2020	SUM
Aurland kommune	150 000	150 000	150 000			450 000
Dugnad/ eigeninnsats	50 000	75 000	75 000			200 000
E-CO Energi AS	200 000	75 000	75 000			350 000
Gjensidigestiftelsen/ infrastrukturmid.		100 000	150 000			250 000
Tilskot til nærings- og samfunnsutvikling 2016	150 000	150 000	150 000			450 000
Verdsarvparken/ Miljødirektoratet	150 000	200 000	200 000			550 000
<b>Sum finansiering</b>	<b>700 000</b>	<b>750 000</b>	<b>800 000</b>			<b>2 250 000</b>

Midlane frå E-Co Energi AS er øyremerka tiltak, ikkje arbeidsinnsats/ prosjektleiing.

### Geografi

1417-Vik, 1421-Aurland, 1422-Lærdal

### Vedleggsliste

Dokumentnavn	Filstørrelse	Dato
--------------	--------------	------

Handlingsplan godkjent pr 130116.pdf	456 256	15.01.2016
NV+Folder_211215_nettt.pdf	19 527 175	15.01.2016
Parkplan 2014 Endeleg .pdf	1 227 645	14.01.2016